

Mazarin
25186

Jacques Bonhomme

Les Moyens pour accorder les deux partis...

UNIVERSITY OF N.C. AT CHAPEL HILL



00023003312

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
2518b**

343

Moreau 2518

LES
MOYENS

POUR
ACCORDER LES
DEVX PARTIS,

PROPOSEZ PAR IAQVES
Bon-Homme, Payfan de la Beauce:

AVX BOVRGEOIS DE PARIS.

M. DC. LII.

LES
MOYENS

Pour
ACQUIESCER LES
DEUX PARTIS.

PROPOSÉES PAR LAQUELLES
Bon-Homme, Payan de la Beaune.

ANZ BONNEVOIS DE PARIS.

M. D. C. LII



L E S

MOYENS POVR ACCODER

les deux Partis, proposez par la-
ques Bon-Homme. Payfan
de la Beauce,

Aux Bourgeois de Paris.

MESSIEURS,

N'ayant pas l'honneur d'estre connû de vous qu'en qualité de simple Payfan, & n'ayant seiourné dans Paris que pour vendre mon Bled à la Place de Greue : le vous diray pour me faire connoistre, que du Regne du bon & noble Roy Iean, il y eut vn bon homme nomme Iaques, lequel sans auoir des amys en Cour parla au Roy, & luy fit si bien entendre les desordres que les gens de Guerre, & les Collecteurs de Tailles faisoient en France, que ces mange-Peuples furent chastiez, & le mal qui commençoit à prendre pied fut coupé iusqu'à la racine. C'estoit le grand Pere de mon Ayeul, duquel ie tiens encor aujourd'huy malgré la malice du temps & l'insatiable auarice des Chicaneurs, vingt & cinq arpens de Terre & deux petits Clos, que ie cultiue & façonne tous les iours de ma main en

cette mienne viellesse de quatre vingts dixsept
ans, aage que i'ay passé en mon petit mefnage aux
champs avec ma femme, mes deux fils & mes trois
filles toutes mariées sans auoir iamais voulu chager
de condition ny me mesler d'aucuns autres affaires ;
Sinon vne fois que ie fus nommé par la commune
de nostre village pour aller trouuer en vn Chasteau
prochain quelques Gentils-hommes qui s'estoient
assemblez avec intention de courre sus à nostre
bestail pour se vanger de ce que quelques vns de
nos mastins auoient mordu le Leurier d'un de ces
Gentils-hommes vn peu à la queue, parce qu'ils s'en-
fuyoit. Ce que ie fis avec tant d'heur, que i'im-
petray d'eux ce que tous ceux qui auoient esté en-
uoyez auparauant n'auoient peu obtenir. Depuis
on m'a tenu en ce quartier pour vn homme fort
persuasif & propre à manier telles affaires. Cela
fait que plusieurs gens de bien & amateurs de la Paix,
estimans que ie pourrois auoir quelque pouuoir sur
ceux qui ont commencé cette guerre qui nous a
ruynez dans son premier commencement, m'ont
forcé de vous escrire pour vous dire mes sentimens,
& vous proposer les moyens que i'estimerois pro-
pres pour la terminer.

Je n'entre point en connoissance quel des deux
partis est iuste ou non ; mais ie voy bien que
ceux qui sont ou pour l'un ou pour l'autre sont
de vrays voleurs, prenant par force ce qui ne leur
appar-

appartient point. Aussi i'ay iuré la teste bœuf mon serment des bonnes festes, que de cette année ie ne semerois auoine, de peur d'engraisser les cheuaux de ceux qui mangent les poules sans en conter les plumes, de crainte de les payer.

Meschanceté si grande qu'on dit que le diable s'en fait des ailles pour s'esleuer en l'air quand il a enuie de faire greller sur les bleds. De sorte que quand la guerre n'apporterait autre malheur que celuy-là, i'estime que cette seule consideration seroit capable de diuertir de la faire, tous ceux qui ont vne ame, qui croient qu'il y a vn Dieu, ie ne sçay, comme i'ay déjà dit, quel party des deux est le plus iuste, c'est pourquoy ie diray mes sentimens avec plus de liberté, la guerre ne vaut rien, quelque pretexte qu'on puisse auoir de la faire. l'ay ouï dire qu'il y a certain pays, ou il n'y a ny soldat ny aduocat, parce qu'il n'y a ny procez ny guerre, les hommes y sont plus en seureté que nous qui donnons tout nostre bien pour suruenir aux charges de la guerre ou de la police. Quoy qu'il en soit, faut-il que nostre ieune Roy & nos Princes se fassent la guerre pour vn Estranger? Quel profit leur en doit-il reuenir? Les Roys ne peuuent rien gagner & se mettant en danger de perdre beaucoup, faisant la guerre contre leurs subjects, & ceux sont encores en plus grand peril de se perdre quand ils prennent les armes contre les autres. Les armes ne

s'entretiennent point de vent, il ne faut pas que la paye manque, autrement il n'y a ny Capitaine ny soldat asseuré, à peine les receptes du Roy y peuvent-elles fournir quand mesmes tous les subsides se leuent. Les chefs de party ont trouué possible quelque credit és bources de leurs amis, mais au bout il faudroit payer, ils disent que ce sera moy ou plustost vous & moy Messieurs les Bourgeois de Paris, mais tachons plustost de les mettre d'accord de peur qu'ayant tout ruyné ils ne viennent enfin à Paris. Vous leur pourriez bien proposer, Messieurs, qu'ils ne gagnent rien à se destruire les vns les autres, qu'il y a plus de contentement à se promener dans les Tuilleries à voler le Heron, à Saint Germain à courre le Cerf, à Fontaine-bleau à rompre la Lance contre le Facquin, à la place Royale à manger des œufs à la Portugaise, au petit More à oüyr la Musique douce du petit coucher du Roy, qu'à souffrir les fatigues d'une campagne, à supporter le froid & le chaud, à dormir armé sur l'affust d'un Canon, à se leuer trois heures deuant le iour pour aller donner une Camifade, enleuer quelques quartiers en danger d'y laisser du poil, comme il n'arriue que trop souuent, à souffrir mille incommoditez d'autant plus facheuses à des personnes de leur condition qu'ils ont esté plus delicatement nourris parmy les festins & les diuertissemens.

Qu'es'ils disent qu'es'il n'y a plaisir ou profit à fai-

re la guerre du moins il y a de l'honneur, Nous leur pourrions respondre que de troubler le repos & le bon-heur de sa patrie ne peut apporter que du blasme à ceux qui le font. I'ay vn de mes fils qui est bon Clerc & chante aulettein, ie me fais lire par fois les Festes apres Vespres vn gros Liure, que le defunct Curé qu'il seruoit d'ordinaire à la Messe luy donna par son testament. Je prends vn tel plaisir à ouïr ce qu'il raconte que voicy la vingt & troisieme fois que ie le repasse. De sorte que ie le sçay quasi tout par cœur, c'est pourquoy i'en puis dire quelque chose. Louys Onzieme fit premierement la guerre au Roy son Pere, puis apres il chargea tellement ses subjects de tailles & de subsides que le pauvre peuple se vit au desespoir & de rage commençoit à egorger la Noblesse. Quelques Princes mal contents firent vne grande leuée de boucliers n'ayant en bouche que le bien public & le soulagement du peuple, mais il parut qu'ils n'auoient que leurs interets particuliers pour leur dessein. Car apres la Paix de Conflans, les tailles & tout le reste n'amenda pas d'vn sol. La guerre Ciuille où nous entrons est du tout semblable à celle que i'ay veu du Regne de François II. Charles IX. & Henry III. La Reyne Catherine vouloit tousiours tenir le gouuernement & les Princes du Sang pretendoient qu'il leur estoit deu. Voyla le mesme regne reuenu. Mais il me sêble que puis qu'il s'agit de renuoyer ou de

retenir le Cardinal Mazarin, qu'il faudroit proposer des conditions tellement aduantageuses aux deux partis, qu'ils puissent trouuer vn chacun des grands aduantages dans vn accord. Pour moy ie serois d'aduis qu'on proposast à la Cour, que si l'on veut que Mazarin demeure, il faut que le Roy donne la carte blanche à son Altesse Royale, aux Princes qui sont sous les armes, aux Parlements, & qu'il donne les Tailles pour deux ans, faisant vn fond de la confiscation du bien mal acquis des Partisans. Et pour l'autre party, ie serois d'aduis qu'on proposast aux Princes, que puis qu'ils obligent sa Majesté de se deffaire de son fauory, qu'ils ne pretendent pas apres sa retraicte auoir part au Gouuernement, que les Parlemens seront considerez comme n'ayant pas voulu condescendre aux volontez de leur Souuerain, que les Peuples seront chargés de tous les frais du retour & de la retraicte des estrangers. Mais puis que la Ville de Paris a plus d'interest à la presence du Roy dans l'enceinte de ses murailles, & qu'il demeure constant que si le Cardinal est chassé, le Roy n'y fera point de sejour, ou du moins on le peut appréhender, c'est à vous Messieurs d'y prendre bien garde, & de tascher à faire quelque accommodement qui nous apporte la Paix, à quel prix que ce soit.

F I N.



